

輝縣知縣黔筑周際華石藩纂修

列女志

貞婦

周

其姜衛世子其伯妻齊侯之女其伯早卒其姜守義父母欲奪而嫁之其姜不從作柏舟之詩以自誓節之稱於六經者此其首今縣治左有其姜臺相傳即其守節處或云墓在其下

元

時氏盧敬妻年二十四敬亡撫育幼子時祖姑年八十

輝縣志

卷十二 列女 貞婦

一

餘氏奉養不怠至大三年旌

趙氏陳克敬妻敬卒氏誓不他適奉養舅姑堅守婦道至正十五年旌

明

呂氏義官張嶽妻年二十六夫亡撫孤成立分司本縣履行旌獎享年八十有三

李氏生員王夢賚妻延津太僕寺卿李承選女夙嫻姆訓年二十七夫亡無所出與弟婦陳同居撫孤姪事孀姑勤苦不怠督學呂獎其門兵憲張嘉其節移文置田以優贖之縣令呂孔良亦以布粟獎勵為崇禎二年旌陳氏生員王夢顯妻夫亡子方襁褓教子入座事孀姑

以禮督學呂扁其門兵憲張移文置田以存恤焉
張氏夏文明妻年十八夫亡遺子七月誓將殉焉以子
幼姑殘義不容遂乃忍死持家課子業儒爲邑庠生清
操三十餘年督學趙表其門

李氏校建才妻周藩紀善李斐女孫幼習書文頗知節
義夫故撫二子三女晝夜紡績隣里不堪其苦言及適
人則誓拒之苦孀三十餘載享年六十一歲司理獎之
李氏陳力妻年二十三夫亡遺子陳王前方在襁褓氏
教子業儒爲郡庠生道府縣屢給扁表其門

丁氏劉隣妻年二十九隣故二子長五歲次三歲善事
翁姑終以禮葬撫二子承繼先業知縣劉玉以禮褒獎

輝縣志

卷十二

列女 貞婦

二

郭氏生員張嵩妻夫死無子奉事舅姑誓不適人守節
三十六年知縣劉玉以布粟獎勵

張氏監生蘓錦妻幼嫻詩禮性行端嚴年二十九夫死
誓將殉焉以高堂垂白遺嗣呱呱義不容遂乃勤紡績
理家務事姑生事葬祭咸遵禮法課子業儒爲邑庠生
知縣高崙表其門

李氏孟忠妻年十五適忠四年忠故守孤紡績訓子
庠年踰六十本縣具申上司以禮褒獎

宋氏生員牛桃野妻夫亡子幼甘貧紡績課子入庠有
司奉文表其門

石氏李良妻年二十六夫亡子甫七歲紡績以撫其

語及適人卽號哭而拒之人其節

李氏校琪妻景泰二年年二十五琪故子方月餘誓無他志孀居二十八年

張氏主簿王澤妻澤任慶雲縣主簿明年卒於官氏年二十七子甫三歲千里之外扶夫柩携幼子歸葬於家守節六十六年

國朝

張氏郡庠生郭英之母守節撫孤俾克成立府縣表其門

李氏楊汝器繼妻年二十夫死前妻子甫四歲愛如己出紡績苦守四十餘載

輝縣志

卷十二

列女 貞婦

三

崔氏郭英妻年二十五英死養孀姑撫孤幼三十餘年教子永富入郡庠里黨稱其節

郭氏傅九德妻年二十五夫死家貧守志課子成名苦節六十餘年

郭氏邑庠生武耀前妻耀前性僻無好合之樂平日督郭者甚刻竟怒而出之姑慰以開導其夫必使復還郭奉姑命暫寓母家不幸姑歿在母家成服及夫病供湯藥皆不令夫知夫死治家如初撫子師孟成立以拔貢任冀州州判

孫氏生員王景堯妻年十九歸王四載夫故遺孤銳纒數月撫之成立以貢生候選訓導康熙四十九年

旌

馬比張師孔妻年十九適張五載夫故遺孤四歲比事
前姑沉痾九載繼姑癩疾十五載訓子張恭中雍正丙
午副車任扶溝縣教諭孫峯望曾孫桂林俱為邑庠廩
生乾隆二年

旌

楊氏生員王良卿妻乾隆七年

旌

劉氏舉人孫用霖妻年二十八夫故撫孤守節乾隆八
年

旌

輝縣志

卷十二

列女 貞婦

四

旌

孔氏鹿滋妻年十九夫故孝事孀姑教遺腹子聖基俾
無失忠節公家聲後果舉孝廉氏猶及見之乾隆十年

孫氏廩生郭蕙妻徵君元孫女年二十夫故仰事俯育
其子家英食餼邑庠乾隆十四年

旌

孫氏楊名杰妻年二十二夫故子女俱無取姪楊地為
嗣教訓入座守節三十二年乾隆十五年

旌

李氏生員孫殿妻年十九歸殿翁姑早歿孝事祖翁姑
夫病期以死殉夫曰死易耳宗祧為重夫故氏年二十

七立嗣以延宗祧乾隆十五年

旌

馬氏王景達妻年十八夫故遺孤月餘撫養成立事繼姑以孝稱乾隆二十一年

旌

牛氏王銑妻年二十一于歸五載銑故遺孤天亡氏痛夫乏嗣取猶子曰湘承祧訓迪入庠乾隆二十二年

旌

張氏王屋黻妻年十八夫故孝翁姑撫幼子清操三十七年郡憲王表其門

王氏候選縣丞吳鼎宣妻年二十八而寡無子女翁旋

輝縣志

卷十二

列女 貞婦

五

故家無一椽尺土依母家紡績以養姑姑歿葬祭盡禮學憲張表其門

宋氏齊藩妻雍正三年邑令趙希濂表其門

楊氏郭際虞妻年十九適際虞五載夫故無子女養翁姑守節三十年邑令趙表其門

孫氏周鳳翔妻歸周四年夫故姑亦繼歿翁患腿疾氏奉湯藥唯謹撫遺腹子不幸早歿其媳何氏亦克守志邑令王表其門合邑紳士式其閭

楊氏生員馬宏祚妻善事翁姑年二十二夫故立嗣承祧守節五十二年邑令徐表其門

楊氏張宏學之母邑令馬表其門

崔氏尚維妻年二十夫故子甫三歲氏奉事翁姑訓子
入邑庠邑令范表其門

張氏袁丕承妻年十八夫故子昭甫數月翁姑年近花
甲家貧如洗氏養老撫孤冰操四十餘年乾隆十四年
二月烈風之夜村中失火卧病在床人懼火及各徙家
資伊子昭先負氏外避又扳出其父靈柩不遑家計左
右兩隣俱焚其居獨無恙人謂母子節孝所感

賀氏生員趙銑妻年二十九夫故事姑勤謹姑卒葬祭
盡禮教子永清遊泮守節三十一年

郭氏廩生王元儒妻年十六于歸六載夫故撫姪景湯
承嗣以廩貢司訓永城守節四十六年

輝縣志

卷十二

列女 貞婦

六

楊氏生員郭遂熙妻汲縣貢生楊其芳女年十九于歸
逾年夫故取姪培義爲嗣早舉茂才守節五十一年

張氏生員王廷彥妻年十九夫故取族姪常吉爲嗣復
勸翁娶妾生子廷柁甫一歲翁卒氏撫育兩世相繼遊
泮守節三十三年

朱氏紀連繼妻年二十七夫故紡績事翁姑撫前子如
已出守節五十年

朱氏邵省學妻 先賢康節先生三十代孫婦也年十
八歸邵十載夫故遺孤七歲家計凋零時值大荒餓殍
枕藉氏拮据營生撫子思文成立苦節四十餘年

紀氏監生馬光祚妻年十八歸馬三月夫亡事姑撫

李氏杜澤周妻年二十七夫亡養姑教子

方氏李肇疆妻年二十九夫故家貧如洗紡績以事孀姑課子環食餼

張氏王鎬妻年二十三而寡子曰漳甫六月家貧無依就養母家訓子遊泮

張氏陳耀明妻年二十七夫故一子二女赤貧如洗事病姑以孝聞守節五十餘年

鄭氏生員施駿妻年十八歸駿四載駿故甘貧守貞乾隆八年卒守節三十年

蕭氏劉景新妻年二十五夫故二子俱幼備歷辛苦教子贊爲邑庠生守節三十一年

輝縣志

卷十二

列女 貞婦

七

施氏張之炎妻年二十七夫故孝事翁姑守節三十一年卒

王氏冀必第妻年十八夫故以永第次子爲嗣善事翁姑守節三十年

李氏黃大妻年十六歸黃兩月夫故姑癡語澁氏哺食十餘載曲承意指苦節四十九年

范氏生員韓守信妻年二十八夫故事姑盡道教子成立守節三十年

馬氏范景臣妻年十九夫故遺孤三歲甘貧守節撫子成立

王氏劉玉妻年二十五夫故撫育遺子安貧守義苦節

四十五年

郭氏生員莊遇泰妻年十七歸莊三載夫故奉事翁姑立堂姪爲嗣清操三十餘年

王氏周建章妻年二十夫故事親撫孤守節三十四年
梁氏楊桂妻年二十三夫故孝事舅姑守節四十三年
李氏郭基昌妻年二十七夫故遺孤四歲甘貧教子守節五十六年

李氏宋用修妻年二十五夫故事舅姑撫幼子守節三十九年

李氏王政妻年二十九而寡孝事舅姑取姪爲嗣子婦又相繼亡撫孫王範成立守節五十餘年

輝縣志

卷十二

列女 貞婦

八

張氏郭連章妻年二十九夫亡事姑盡道教遺腹子成立孀居三十八年卒

耿氏郭璉妻年二十五璉故甘貧守節撫孤成立

師氏任重妻年二十五夫故姑老子幼苦志事畜

宋氏王楫妻年二十夫故守節三十二年

郭氏生員孫燭妻年二十六夫故遺孤四歲以十指供朝夕齎飧不繼晏如也守節三十三年卒

趙氏蘓龍妻年二十五夫故子甫三歲備極艱辛

南氏周述周妻年二十七夫故苦志紡績教子成立守節四十餘年

孫氏王質妻年二十夫故遺孤方數月事姑盡道教子

業儒

張氏陳廷樞妻年二十七夫故家貧勤十指以養翁姑
翁姑歿鬻居室以葬煢煢五十一年

郭氏高日新妻年二十九夫故守節三十四年

張氏閻文玉妻年十九夫故撫孤守節六十六年

王氏王良臣妻年二十七夫故子甫六歲撫孤守志三
十一年

仝氏劉棟妻年二十二棟故撫週歲遺孤守節三十七
年

柴氏竇珍妻年二十五珍故子文華方八歲甘貧守志
楊氏郭英妻年二十四英故子景禹方一歲氏茹苦矢

輝縣志

卷十二

列女 貞婦

九

志守節三十年

王氏李龍妻于歸五載夫故時年二十四撫三歲穉子
守節三十年

艾氏牛方妻年二十六方故遺孤六歲甘貧守志

李氏王居敬妻年十六歸王年餘夫故孝事翁姑

陳氏路光玉妻年二十四失偶孝事翁姑慈育三子守
節五十一年

丁氏馬士英妻年十九于歸二載夫故取夫胞姪爲嗣

魏氏江采妻年二十七夫故家貧如洗姑年近花甲于

甫三齡氏勤女紅孝親課子其子如川食餼郡庠氏積

勞成病而卒年五十四

崔氏張峯期妻年二十夫故遺孤數月且失明苦節撫養

王氏陳天佑妻年二十二夫故育遺腹子苦節終身卒於乾隆十一年

周氏李淳妻年十九于歸三載淳故氏孝事祖姑撫育嗣子 以上共五十人有司俱表其門以上舊志

王氏李延臘妻年十八適延臘八載夫亡子甫五歲奉姑教子孝慈兼盡守節三十四年乾隆四十七年

旌

李氏張鎮妻年十七適鎮六載夫亡生一子甫六月赤貧紡績奉姑畜幼守節三十二年乾隆五十四年

輝縣志

卷十二

列女 貞婦 十

旌

劉氏張滉妻年十九適滉未及四載而夫亡仰事俯育為遺孤納監不幸又故苦無子媳教育嗣孫以延宗緒守節四十五年乾隆五十七年

旌

袁氏崔光治妻年二十適光治二載姑病晝夜不寐諸藥親嘗未一年而姑故未服闋而夫亡取姪樹傑為子不幸又天更取福元為樹傑嗣守節三十三年乾隆五十七年

旌

曹氏馬柱妻年十七適柱生女二歲而夫故翁姑年滿

夫弟年幼事翁姑撫夫弟育幼女數年翁姑俱故盡哀
盡禮復爲夫弟聘室因取夫弟之子三畏爲嗣守節三
十四年乾隆五十九年

旌

牛氏魏廷光妻年二十二適廷光六載夫亡子烈甫三
歲後子又故遺孫七歲氏撫養入成均守節三十八年
乾隆六十年

旌

陳氏張守福妻年十五于歸四載夫亡子一清甫三歲
次子甫一歲事孀姑育幼子教子一清入邑庠守節三
十八年乾隆六十年

輝縣志

卷十二

列女 貞婦

十一

旌

吳氏何培棕妻年十九適培棕五載生一女甫數月而
姑與夫相繼病故取姪名揚爲子翁病奉事湯藥翁歿
喪葬盡禮孝慈兼全守節三十四年道光元年

旌

宋氏李九思妻年十七適九思六載生子而夫故翁老
子幼勸翁娶姑生一子翁姑俱亡克完喪禮守節三十
八年道光元年

旌

郭氏鄭世傑妻年十八適世傑二載夫故遺腹生子三
重以女工撫弱女孤兒守節三十四年道光元年

旌

周氏宋孔惠妻年十六適孔惠十四載夫故子梅甫九歲後娶尚氏生子守謙不幸梅又故撫養孤孫為之婚娶生子名超守節五十八年道光元年

旌

袁氏張少元妻年十七適少元夫亡子幼姑老以紡織奉姑教子守節二十六年道光元年

旌

趙氏張三樂妻年十六適三樂十載夫故生一女取堂弟三義之子杰承嗣守節三十三年道光元年

旌

輝縣志

卷十二

列女 貞婦

十一

孫氏趙楷妻年十九適楷七載夫故子廷雋甫三歲氏教子成人守節三十九年道光元年

旌

徐氏施政妻年十七適政三載夫故孝親撫孤守節三十一年道光元年

旌

李氏生員張雨金妻年二十二適雨金七載夫故子登達甫五歲躬親紡織訓子成人守節三十二年道光元年

守

旌

岳氏霍成妻年十八結褵十載夫故生一子守節四十

九年道光三年

旌

王氏趙思廉妻年十七于歸三日夫故守節二十六年
道光三年

旌

史氏胡泰道妻年十七于歸七載夫故遺腹生子致遠
弱冠遊泮守節三十一年道光十二年

旌

劉氏王文錦妻年十七適文錦六載夫故舅姑年高子
成麟尚幼祖孫相繼亡所取嗣子誌麟又沒復撫養孤
孫守節三十四年道光十二年

輝縣志

卷十二

列女 貞婦

三

旌以上
縣卷

侯氏秦永康妻侯廷蘭女年十八于歸八載生一女夫
亡事舅姑倍加孝謹舅姑憐之為取夫之堂姪為嗣舅
姑卒子亦旋歿氏復教育孤孫列於庠序

李氏牛瑚妻生員李芮女年十七于歸兩月夫故氏無
所出取夫兄之子為嗣又先氏而亡依其族孫以老

李氏監生王命伯繼室汲縣監生李荃女年二十二于
歸二載夫故氏欲投繯緣翁亡未葬姑老無依前子幼
弱乃斷髮毀容事親盡禮撫三世之孤兒俾能成立身

歷四世年逾八旬

劉氏廩生孫炳繼妻汲縣庠生劉元善女年十七于歸

七載夫故孝事三世舅姑撫前女如已出孤子在城甫
七歲氏躬親教督爲名諸生孝行著聞乾隆六年 巡
撫雅表其門

裴氏張海妻裴光美女年十八于歸六載夫故子方四
歲誨之成立入邑庠貢成均族中敦義行者助之以貲
氏父母終繼嗣未定代營喪葬氏子其華歿孫猶幼穉
兩世撫孤

莊氏馬檻繼妻生員莊紹湯女年二十二于歸五載夫
故前室子方八歲氏子甫兩歲人不知其爲異母兄弟
也長子有室乃竭力以葬亡人孫入邑庠氏猶及見之
章氏張文妻章應元女年十七于歸四載夫故上有祖

輝縣志

卷十一

列女 貞婦

十四

姑及姑下無期功近族熒熒三世責在一身夫族弟張
魁髫年孤苦氏爲之娶妻魁生子允安氏取爲夫後兩
姑並卒竭力以葬祖孫父子之喪

張氏左日昕妻張國良女年二十于歸三載夫故遺孤
尚在襁褓翁姑老病氏孝敬翁姑教訓幼子其子又先
氏而卒數十年間艱苦備嘗

郭氏增生孫嬰妻郭劍銘女年十八于歸五載夫故子
在浚方數月上奉孀姑下撫幼子讀書食餼

武氏王建基妻武旺女年十八于歸三載夫故依長姐
以居翁姑卒事繼姑尤孝謹奉繼姑命取夫兄次子舉
峯爲嗣撫育一如所生

程氏監生王栴繼妻淮安府知府程懋女年二十于歸
四載夫故子方二齡氏絕食飲者六日念翁老子幼俯
仰須人翁卒持服六年人問之曰吾以代夫也教子甚
嚴常以克繼先志泣論之子保曾出拔貢候選州判氏
猶見其成名

王氏李學禹妻王國相女年十八于歸十一載夫故事
姑益孝持家益勤念夫兄爲大宗以已之子爲兄後姑
卒附棺附葬無不合宜教育孤兒嚴而有法子東園早
遊庠序

郭氏蘓維賢妻郭全天女年十九于歸五載夫故未有
子女翁姑繼亡營葬盡禮取姪百成爲夫嗣不異所生

輝縣志

卷十二

列女 貞婦

五

篝燈課讀入學食餼完節三十九年而歿孫學山亦遊
泮

郭氏魏菊妻郭嚴女年十七于歸四載夫故家計日窘
氏親操井臼紡績或至夜半得微貲市甘旨翁姑賴之
以終餘年翁姑相繼卒營葬盡禮取堂姪璞玉爲夫後
方氏生員王灝妻方良棟女年十九于歸九載夫故夫
臨歿時囑以似續無人勿徇名而徒死氏涕泣受命取
夫猶子爲嗣教育不異所生甫獲一孫嗣子又歿氏代
撫遺孤以存宗緒

王氏廩生張其藻繼妻王曰泰女年十九于歸六載夫
故子方礪祿微寡嫂奉事翁姑其子旋歿翁姑及嫂並

歿氏撫育孤姪不異所生姪食餼於庠乃取姪孫步雲使承夫嗣人稱爲一門雙節

崔氏余大有妻崔發亮女年十八于歸七載夫故姑衰于弱姑又病故家無斗儲竭力營葬撫育孤子時以不克成人爲憂及子九歲就傅歸農氏始病故

牛氏張錫圖妻監生牛美石女年十九于歸二載夫亡時祖翁姑久染沉疴身親藥餌數年如一日翁姑病篤祈天願以身代兩世親歿喪葬無不盡禮取姪爲夫嗣撫育成立

宋氏郭岐妻宋志仁女年十七于歸氏夫未娶時腹有痞疾久而不瘳擇吉婚娶而病日劇氏甫入門而夫病

輝縣志

卷十二

列女 貞婦

夫

已彌留矣未能行合巹禮而卒氏於夫初未識面也氏父母慮氏年幼氏正色曰吾生爲郭氏人死爲郭氏鬼能有他念乎事翁姑六年能得歡心翁姑卒氏營葬如禮取夫從堂姪汝昇爲嗣年方數歲氏身理家務積勞成疾竟以不起人咸哀之

孫氏王桂妻孫國金女年十六于歸十載夫亡事翁姑盡禮取夫姪爲嗣嗣子又亡氏亦遂歿清操苦節鄉里共稱

張氏恩貢徐鈞繼妻新鄉縣庠生張照符女年二十二于歸六載夫故氏本名家女讀曹大家所撰女論語卽知身體力行夫歿遺子二人未離襁褓氏念藐孤無託

必至上絕宗祧於是勵志撫孤爲子授室艱苦備嘗
劉氏左良卿妻劉文女年十九于歸四載夫亡養翁姑
始終盡禮取姪爲夫嗣撫育訓戒如已子
王氏生員張其茂繼妻王文俊女年二十一于歸八載
夫故舅姑衰老子僅三齡氏與姊同勵志撫孤舅姑歿
代夫營葬盡禮盡哀子坦入庠食餼

紀氏戴鏡妻紀鈺女年十七于歸八載夫故未有子女
氏乃日夜禱神爲舅姑祈後甫二載姑果生男其姑旋
歿舅已六十餘家徒壁立呱呱者尙在襁褓氏下撫幼
弟竭力爲之授室上奉衰翁二十餘年舅以病卽世氏
亦以經營喪葬積勞而亡夫弟生子先爲立後

輝縣志

卷十二

列女 貞婦

七

孫氏癸卯科舉人傅澄繼妻監生孫忻女年十九于歸
二載夫故上有孀姑年週花甲取夫弟之子鞠育以慰
高堂不幸嗣子旋殤孀姑屢病湯藥親嘗夜不假寐者
數年姑既歿氏益熒獨夫堂弟瀾爲之立後以葬焉

郭氏王照藜妻郭堯女年二十一于歸五載夫故翁姑
在堂遺孤尙幼姑病氏禱於神願以身代姑病愈氏終
身不茹葷酒夫卒時子鐘方週歲撫養成立教子有方
姑卒水漿不入口者七日以哀毀致疾先翁而亡

李氏宋鑑妻李作楸女年十六于歸一載夫亡誓死從
夫家人防守甚切志不得遂乃奉事翁姑取姪爲夫嗣
嗣子又亡氏竟費志以歿姪守訓承嗣焉

楊氏生員張大章繼妻庠生楊名學女年二十三于歸
二載夫故氏幼承父教熟知列女傳舅歿夫弟蕩盡家
貲姑患癱症九年賴氏紡織奉養姑沒哀禮兼盡取夫
之族姪上承宗祀

秦氏張錦妻監生秦如金女年十八于歸結縭七載上
事繼姑以孝謹著夫病日夜籲天者一載有餘夫卒勺
水不入口誓以身殉其堂妯止之曰汝孀姑在堂藐孤
在抱汝安可全一已而遽死乎氏服其義事姑益加敬
謹撫孤倍極恩勤于書麟早入邑庠皆氏之義方所致
也

焦氏萬啟運妻焦源女年十九于歸十二載氏夫與姑
相繼歿姑遺幼女四人皆依氏如母及繼姑卒氏以上
有衰翁下有幼子養親課子備極艱辛翁年七十五卧
病不起氏親奉湯藥翁卒盡哀盡禮甫踰年亦以積勞
而亡

趙氏生員孟秉乾妻汲縣蓬州吏目趙坤女年二十一
于歸七載夫故氏生子週歲而殤舅姑又歿夫兄秉堅
夫婦並卒遺幼子二人氏身兼教養督使成名取次姪
大斫爲夫後

段氏林蘊珍妻庠生段清傑女年十七于歸十二載夫
亡無子取夫兄次子鏞承祧翁姑繼歿盡禮盡哀子鏞
長入郡庠人皆謂氏之厚德所致

趙氏趙萬妻勤法堯女年十九于歸十載夫故所生三女半在襁褓家計赤貧夫兄及嫂又故嫂遺二子長天貴三歲次天申甫六月餘氏以已之幼女寄養他人乳天申爲夫嗣天貴亦賴以成立備嘗艱苦積勞而亡張氏從九品李寬妻張和女年十四于歸十三載夫亡翁姑先歿與孀媪同居始終敬事無少怨尤取姪爲夫嗣篝燈訓誨勤勞過甚竟致殞生遠近無不嗟惋孟氏徐九思妻武生孟大鵬女年十七于歸結縭七載其翁已逝姑老而染沉疴氏親湯藥不離左右者數年夫無子姑爲取堂姪慶餘爲嗣教訓一如所生艱苦備嘗竟先姑歿

輝縣志

卷十一

列女 貞婦

九

郭氏李旺妻郭務本女年十七于歸九載夫故子甫三齡氏力勤績紡饗殮時或不給有隣人張姓者憫氏窮苦又素知氏能勤勞令氏攜幼子爲司炊爨氏所獲備值盡供其姑朝夕費姑既歿氏拮据爲子娶媳子媳亦孝敬能得氏之歡心今氏歿二十餘年其媳每一言及猶爲痛酸

楊氏趙楷先妻楊殿元女年十九于歸八載夫故氏以媳代子姑亡翁老孝敬愈加及翁病逝取夫弟之子卓承祧營葬盡禮

崔氏周立業繼室獲嘉縣署廣西賓州營參將崔士達女年二十于歸九載夫故孝事翁姑撫夫兄女如已女

及翁姑繼逝氏代夫兄取榮揚爲嗣承重氏子威揚教以義方亦入邑庠不幸又歿氏撫孫銘入成均連氏郭啟秀妻連大順女年十五于歸十一載氏姑及繼姑俱卒夫亦病歿翁懼其身殉勉之曰吾年老又無次子汝若復死是速吾亡也氏因勸翁再娶冀生子以續宗祧翁卒其子尙幼氏乃擇近族爲夫立後杜氏趙文遠妻杜永祿女年十七于歸六載夫故翁姑在堂姑知其有遺腹再三慰諭俟分娩以聽其志旣而生子成元不幸夭亡氏啼泣欲死賴夫兄勸慰許以次子趙坤嗣氏念翁姑衰暮誓志守節翁姑相繼歿氏與夫兄竭力營葬遠近傳頌

輝縣志

卷十一

列女 貞婦

三

張氏吳進妻張繼曾女年二十于歸十載夫故孝事翁姑善訓子孫青年守節白首益堅

楊氏乙酉科拔貢孫鍵繼妻生員楊地女年二十于歸六載夫故撫前室所遺子女無異所生家貧丁衆紡織躬勤諸子得以成家孫曾林立嫁娶皆竭力經營

郭氏趙承先妻邑庠生郭濟女年十七于歸結褵八載氏生一子其夫病故姑亦旋卒事衰翁愈竭誠敬翁卒盡禮營葬念夫兄爲大宗以已子卓嗣之卓生子又早逝僅遺一曾孫氏與孀嫂俱七旬有餘共撫之身歷三世備嘗艱辛

李氏趙廷弼妻李金女年十七于歸結褵十三載

俱幼氏夫與翁繼逝姑老而患廢疾氏竭誠奉養姑歿
喪盡禮撫育二女擇配名門取姪爲夫嗣

郎氏張情妻郎坤女年二十于歸六載夫故念翁姑年
邁奉事無人兼之乏嗣取夫兄之子文性爲子撫養成
立翁姑卒哀禮兼盡

王氏張玉新妻王進修女年十七于歸三載夫故氏無
所出取夫堂姪鏡爲嗣爲之完婚氏嘗自言曰家卽貧
猶可以舉祭有嗣子亦可以承祧未數月嗣子又歿孀
姑旣亡氏與孀媳周氏以針指營葬煢獨相依數十年
如一日人稱爲一門雙節

張氏韓金妻張洪有女年十九于歸七載夫亡子幼翁
姑年高氏奉養翁姑始終盡禮不幸子與婦又相繼亡
氏撫育孤孫煢煢無告艱苦備嘗

徐氏張成智妻徐有德女年二十一于歸六載氏夫與
翁先後卽世衰姑年逾六旬孤兒纔週歲氏仰事俯育
自受飢寒營葬盡禮

王氏郎進功妻王有女年十六于歸七載夫故翁姑年
老養生送死俱各盡禮取姪爲夫嗣教誨成立

杜氏莊統真繼妻杜以讚女年十七于歸十三載夫故
二子甫離襁褓家貧過甚氏仰事俯畜資紡績謀生
姑卒經營喪葬艱苦備嘗

羅氏孫平妻羅壽女年十八于歸十一載夫故翁姑

輝縣志

卷十二

列女 貞婦

三

病氏奉事湯藥益加勤謹子方四歲氏仰事俯育備歷艱辛及翁姑逝經營窀穸無不盡禮教子義方

楊氏董永福妻楊寶女年二十一于歸二載夫故舅姑亦相繼亡夫弟尙在髫齡賴氏竭力喪葬夫弟長又爲之娶妻生子取爲夫後撫之倍極恩勤孝慈兼盡實農家所僅見者

李氏侯天麒妻李法柱女年十九于歸二載夫故取夫兄子玉清爲嗣恩愛如所生翁姑卒哀禮兼盡

蘓氏李彭年妻蘓維新女年二十二于歸六載生子女各一其夫故姑年邁出入賴氏扶持子女尙在襁褓氏上盡孝養下撫遺孤備極艱辛姑歿經營喪葬盡哀盡

輝縣志

卷十二

列女 貞婦

三

禮

劉氏王建輝繼室劉德女年二十四于歸三載夫故生子甫六月念衰姑無人奉事幼子未離襁褓藉紡績以供養姑卒後盡禮盡哀

牛氏梁珮妻監生牛士英女年十七于歸八載夫故上有雙親遺孤尙在襁褓及其子娶妻不幸又故氏欲捐軀賴親戚勸慰率子婦以守立孫以繼宗祧翁姑繼終喪盡其禮前後數十年艱苦備嘗

王氏郡庠生何文富妻王有女年十九于歸七載夫故誓將身殉忽自省曰吾以一死塞責是絕夫祀也卽亡人亦不瞑目矣乃上事翁姑下撫幼女翁姑卒女出室

取夫兄次子爲嗣每自謂吾事已畢今而後待死而已
牛氏武生王廷芳妻牛志亮女年十九于歸三載夫故
生遺腹于王珠泉時翁已卒姑年邁奉事以禮斷髮毀
容勤紡織於夙夜丸熊畫荻教幼子以義方珠泉長入
邑庠少年老成皆氏之內訓所致

魏氏靳端成妻從九品魏進京次女年十七于歸結褵
四載嘗謂其夫曰凡人家娶媳無非欲其孝敬妾旣以
身歸君自當代夫奉事萱堂願無慮其夫聞之喜而不
寐姑見其相敬如賓乃曰吾家有佳兒今復有佳婦及
其夫故哭失聲繼以嘔血姑止之曰汝有遺腹產期將
近過慟恐傷氏不敢違姑言未逾月而產一男取名曰
華姑卒氏哭之慟聞者無不垂淚喪葬之間哀禮兼盡
其子旋亦夭殤氏悲痛欲絕

輝縣志

卷十二

列女 貞婦

三

崔氏生員王循妻崔玉女年二十于歸十載夫歿氏無
子欲身殉賴翁姑及夫弟勸止日久無可取繼翁姑常
爲氏慮而氏二十餘年未嘗言及後嗣翁卒夫弟有子
氏取以承祧

馬氏周融妻馬全德女年十九于歸三載止有一女夫
與翁姑相繼歿兒嫂亦歿且無子嗣氏取堂姪爲兄後
氏尙缺嗣而撫育教訓無異已子

趙氏侯殿魁妻趙廷喜女年十六于歸十一載夫故女
甫五歲子尙襁褓翁姑在堂姑先翁卒奉事繼姑無少

懈怠翁歿喪葬盡禮遺孤又殤取姪爲夫嗣教女成人
適配名門

王氏呂正心妻王榮長女年十八於歸八載夫故氏痛
哭不已死而復生者數次其孀姑哀號氏乃勸之曰年
老矣無過哀朝夕事勸使姑心慰其嫂自夫兄歿後雙
目失明氏以同病相憐更加撫恤且曰此弟敬兄之道
人謂其識大體命予就傳還家時親爲督課

王氏李植年妻生員王曰澄女年二十于歸六載夫故
于甫四齡上則潔滌澆以事高年下則本義方以教幼
于年踰五十如一日

王氏生員周文元繼妻武生王以任女年十九于歸十
載夫故翁姑衰老以婦職而兼子職前室所遺一女撫
育教訓不異所生取姪大本爲夫嗣已入邑庠

關氏陳祥妻關祿女年二十三于歸六載夫故取夫堂
兄之子爲嗣教訓端嚴其子至今能守母戒

施氏李方視繼妻施燧女年二十三于歸八載夫故上
事繼姑勞而不怨前室遺一子愛如已出夫弟方聽敬
之力持家計孤寡得免飢寒

何氏姚君璧妻何天福女年十九于歸七載夫故翁姑
相繼卽世氏喪葬盡禮擇立子嗣以延宗祧

秦氏恩廕生黃增旒次子黃鐘岐妻生員秦應載女年
十八于歸四載夫故未有子女致孝以事翁姑翁姑

輝縣志

卷十二

列女 貞婦

十四

事庶姑如姑取夫堂姪爲子外出不歸復撫育孤孫使承夫嗣

龔氏賈昭妻龔法舜女年十九于歸一載夫故氏爲農家婦而性極孝上有翁姑藐孤者甫週歲翁姑卒喪葬盡禮子又病故孫總弱冠氏教以竭力耕田有無相通爲鄰里所敬服

黃氏劉玉堂妻黃鍾圮女年十九于歸四載夫故未有子女家又甚貧取夫弟之子爲嗣專理蠶桑以資家計以事孀姑

侯氏劉家淮妻侯得才女年十六于歸十載夫故翁姑亦歿事叔翁姑惟謹生子二齡亦殤叔翁姑卒盡禮盡

耀縣志

卷十二

列女 貞婦

三

誠取夫堂弟家彥之子道行爲嗣早列鬻序

郭氏姬永昌妻郭峯女年二十于歸四載夫故終身不衣文繡翁姑年老親滌穢器湯藥必嘗翁姑卒後善事兄嫂撫姪輩如已出親族無力婚葬者典衣物爲助取兄子隆業爲嗣敬師之豐尤人所難及

郭氏焦思徽妻郭思賢女年十九于歸六載夫故子女俱無翁姑年邁事之惟謹遺腹子焦璽於是年八月生翁姑卒鬻田營葬撫幼子恪守義方

崔氏宋克富妻崔祿安年十七于歸四載夫故翁姑在堂竭力奉養姑五十九歲變鬻成倍加孝敬翁姑年皆八十餘氏亦歲週花甲取嗣承繼節孝爾全

段氏張慢妻段成女年二十于歸五載夫故子女俱無取夫兄次子忍性爲嗣愛如所生翁姑卒盡禮盡哀

郭氏生員周清源妻郭宗孔女年十九于歸十載夫故氏截髮納棺孝養翁姑居家節儉翁姑相繼逝喪葬盡

禮

周氏張鏡妻周太女年十九于歸四月夫故誓以死殉祖姑及姑泣諭之乃取夫兄之子廷相爲嗣年十歲而殤氏愈孤苦祖姑卒孝養孀姑迄今三十餘年姑媳猶相依爲命

張氏王繼興妻張有貴女年十七于歸十三載夫故子方二歲翁姑年高氏紡績奉養翁姑卒喪葬盡禮子平

輝縣志

卷十二

列女 貞婦

三

克紹先業孫男林立 以上道光十三年

旌

靳氏岳文義妻靳光煥女年十九于歸六載氏夫卧病備極辛勤夫歿水漿不入口族親以翁姑年老奉事無人爲勸始勉進飲食又數年翁卒繼姑治家甚嚴氏修婦道能得其歡心姑病三年晝夜調護取夫兄文統之子自修爲嗣經營窳窳備致妥善撫育嗣子教以義方宗祧賴以不墜

李氏張滄妻李福元女年十九于歸三載夫故翁姑年近古稀夫弟尙幼氏孝事二老撫育夫弟成立爲之娶妻生子取以爲嗣不幸旋殤翁姑亦相繼逝復取近族

之孫爲嗣送死養生備極辛苦

丁氏崔亮妻丁廣泰女年十七于歸二載夫亡氏日夜號泣誓死以殉家人勸之弗聽翁姑諭曰與其兩亡何如一存以爲繼嗣地使爾夫死而不死乎氏乃曲體親心每逢夫忌終日輟食嗚咽流涕不令人知恐傷翁姑之心也終親之喪氏益孤子堂兄清嘉其志貞行潔爲之立嗣

史氏申復禮妻史義合女年十七于歸九載夫故翁姑在堂又無子嗣代夫奉養者十年翁姑既歿取堂姪廷梅爲嗣訓子讀書得入黌序

范氏尙建埒妻范東侯女年十九于歸十載夫故撫幼子成立家貧無養藉針黹度日者數十年

馬氏聶鑑妻馬玉琢女年十七于歸三月夫故姑虐其過幼氏泣曰余嘗怪世人之改適者上辱父母下負亡入甘自夷於禽獸今既有舅姑可事雖無所取嗣願相守以終身積勞過甚竟殞其生

秦氏牛溫妻秦昭女年十七于歸九載夫故其子尙幼翁已先逝姑猶在堂姑歿氏率子盡哀子又繼亡三孫俱幼賴氏撫養成人

李氏候選縣丞傅澧繼室監生李得仁女年二十于歸十載翁姑故每春秋祭祀盡誠盡禮常以不克生事爲恨事叔翁姑如翁姑虐妯娌以和御奴婢以恩氏夫藥

病侍奉湯藥盡瘁者月餘夫故絕粒數日時幼子培松方八齡誨以義方俾得成立

閻氏張起鵬妻閻育楷女年十八于歸十載夫病日夜焚香祈天願以身代夫歿無子有幼姪燦氏躬勤撫育時有淚痕及姪少長敦請嚴師俾克成立氏罕出中門雖親故往來皆老嫗傳語至今猶守閨訓甚嚴 以上道光十四年

旌

徐氏秦方銘妻年二十二于歸九載夫故守節三十六年嘉慶元年 學憲盧表其門

趙氏貞林妻年十六于歸四載夫故守節三十年嘉慶

輝縣志

卷十二

列女 貞婦

三

二十年 學憲姚表其門

成氏張多慶妻年十九于歸四載夫故守節三十一年

道光元年 學憲盧表其門

周氏朱啟彥繼妻十八歲于歸一載夫故守節三十一

年道光九年 學憲吳表其門

蘓氏靳傑妻十七歲于歸八載夫故守節三十七年道

光九年 學憲吳表其門

吳氏郭體仁妻十九歲于歸五載夫故守節五十四年

道光十二年 學憲周表其門

朱氏張德安妻二十一歲于歸五載夫故守節四十三

年道光十二年

學憲周表其門

以上
縣卷

郭氏冀煦妻年二十五夫卒無子取族姪為嗣守節三

十七年有司表其門郭宗杭採訪

冀氏武生郭家義妻年二十三孀居道光三年署知縣

侯興霖表其門黃汝雯採訪

趙氏范良桂妻年二十歸良桂二十五歲良桂故念翁

姑在堂取范所為嗣不幸早亡撫愛幼孫恩勤倍至有

司表其門

王氏監生朱燮妻于歸後上事病姑晝夜侍側者八年

姑卒夫亦旋歿夫弟奕昭及氏子肇慶肇琦肇英俱在

髫齡家貧如洗氏教養兼施及夫弟登科仕至州牧長

子肇慶蜚聲太學次子肇琦食餼邑庠氏竟以積勞而

輝縣志 卷十二

列女 貞婦 完

亡年六十一歲守節二十九年有司表其門

郭氏朱肇英妻年二十四歸肇英九載夫故守節二十

一年有司表其門以上縣卷

鄭氏周大章妻鄭名士女年十九于歸九載夫故舅亡

姑存等節五十五年現年八十一歲有司表其門何先登宋

玉珩採訪

高氏周慎言妻夫歿三月生遺腹子廷選家貧守節善

子成人八十歲而歿

崔氏周永泰妻年二十五夫歿撫孤福臻成立事翁姑

盡禮姑歿翁娶繼室氏又事之孝七十九歲而歿以上周十

圖採訪

蕭氏李麟年妻廩生蕭南國次女二十八歲夫故守節

三十三年羅德全採訪

秦氏宋延妻年十五于歸十八歲夫故守節三十七年

張保衡採訪

周氏王允申妻年十九于歸二十三歲夫歿不數年翁

亦卽世姑年八十餘步履艱難氏背負出入衣被必身

親澣濯姑歿氏痛哭幾死取夫弟之子越爲嗣現年五

十三歲

黃氏王存榮妻存榮兄弟三人其仲兄夫婦早亡與長

兄分爨奉母徙魯家庄三年夫歿氏二十三歲姑以哭

子故失明氏含悲勸之越二年其長兄夫婦亦亡遺子

輝縣志

卷十二

列女 貞婦 三

三女一俱幼氏收畜撫養訓姪務農內外無間言數年

姑歿氏取長兄三子爲已嗣次子爲仲兄嗣節孝雙清

鄉黨無不敬服者以上崔全元採訪

林氏劉建魁妻年二十八夫亡子甫六歲紡績育子現

年五十七歲

耿氏王福妻二十六歲夫亡氏勸翁納妾生子名祥祥

生子取爲嗣現年五十九歲

郝氏王俊妻二十六歲于歸半載夫亡既無子女之依

兼乏總功之戚氏孤苦自持現年六十七歲

殷氏張銳繼室二十三歲夫亡前室遺子女各一尙幼

氏撫如已出事翁姑甚謹守節二十五年而卒

劉氏袁上臺妻二十九歲夫歿無子取夫姪爲嗣現年五十一歲

張氏羅文炳繼室二十八歲夫亡子甫三歲撫之成立卒年五十九歲

王氏秦得福妻年二十八歲夫亡子佩文尚幼及娶媳生孫子又天殂氏無遺孤三元已入武庠守節三十一年現年五十八歲

以上羅緯書採訪

崔氏李蘭妻生員崔瑤女年十九夫亡無子事姑甚孝取胞姪三元爲子撫育成立守節三十六年

施氏符映辰妻年十八子歸四載夫卒氏無所出家貧翁老二十餘年始取姪爲嗣又不幸早夭子婦他適僅

輝縣志

卷十二

列女 貞婦

三

遺幼孫氏百計撫育年八十八歲無疾而終

賀氏崔珂妻監生賀德嘉女年二十珂捐館繼二伯兄瑜之子仰儒爲嗣視如已出孀居五十七載

郭氏袁通妻年十八適袁二十七歲夫故守節五十四年教養二子大文大武成立大武入庠氏年八十一歲

陳氏梁富妻年二十九守節子少亡率幼婦弱孫以居孫夢旗名列成均苦節三十八年

王氏梁廷棋妻年二十夫歿孝事孀姑撫育幼子苦節三十餘年教子夢旗名列成均現年五十一歲

崔氏王得才妻崔珂女年二十一守節生遺腹子九官教養成立備歷艱難現年五十六歲

秦氏崔明妻年十五適明二十歲夫卒止生一女孝事翁姑勤十指以奉養取姪廣福爲嗣不異已出苦節三十餘年現年五十歲

秦氏鄭芝妻年十九子歸五載夫歿勤紡績以事翁姑子女尙幼教養成人艱苦備至守節三十二年現年五十五歲以上郭宗和採訪

楊氏郭作霖妻年十九子歸二十四歲夫故遺一子名燦氏教養成人

秦氏郭夢熊妻年二十子歸越二載夫歿孀居無子矢志守節現年三十六歲

王氏馬喜妻年十八子歸歲餘喜歿男女俱無孝舅姑

輝縣志

卷十二

列女 貞婦

三

陸妯娒苦節四十餘年

郭氏李珩妻年十九夫歿僅一女既無伯叔亦鮮妯娒

翁歿事孀姑得其歡心守節三十餘年以上郭烈採訪

尙氏翟楹妻年十九子歸二十一歲夫故守節三十一

年現年五十一歲

鹿氏翟永慶妻年十九子歸二十三歲夫故守節三十

四年現年五十六歲以上和致中採訪

吉氏福建秦寧縣知縣王塘妻衛輝府通判吉佩琮女

氏爲陝西韓城縣人年十七子歸十一載夫故子女俱

無現年五十五歲守節二十八年史緯經採訪

李氏任宗安妻年二十七夫故甘貧守節倍極艱辛因

夫無子取姪政為嗣以延宗祧現年七十二歲傳培摺採訪

徐氏郭宗祀妻年十七于歸四載夫卒誓不欲生因姑

慰諭矢志靡他孝事翁姑和睦妯娌躬紡績以佐家計

取姪文炳為嗣一如已出甘貧苦節三十餘載現年五

十三歲姚書林採訪

郭氏郝令府妻年二十八夫故勵志守節事翁姑以孝

待子姪以慈經理家務不辭勞苦現年七十七歲

王氏趙作舟妻年二十七夫故孝事孀姑撫育幼子備

極勤勞守節三十四年現年六十一歲

宋氏趙欽繼妻年二十八夫故哀毀絕食又念孀姑在

堂無人奉事為子婚娶後終日泣血絕食以死以上任文煥採

輝縣志

卷十一

列女 貞婦

三

訪

楊氏郭家瑞妻歲貢楊省一女十九歲于歸四載僅生

二女夫故無子取夫弟子誦為子八十四歲而卒守節

六十五年

郭氏楊埏妻生員郭美女十九歲于歸九載夫故于甫

彌月及于授室生孫旋即病故氏撫弱孫成人八十四

歲而卒守節五十七年以上郭鈺採訪

郭氏王均妻早歲于歸生子甫數月均即病故翁與繼

姑有愛女愛子氏一以和順處之教子鏡之已列郡庠

現年四十四歲守節二十五年孟大廟採訪

潘氏徐保書妻汲繇武舉潘世坦女年十八于歸七載

夫亡守節二十一年現年四十六歲

孫氏採訪

烈婦

明

孔氏袁濬妻年二十歲濬死無所出誓從夫死家人防閑甚切自恨弗獲同葬踰月縊死知縣劉玉表其墓正德元年旌

蔡氏連廷魁妻家素貧勤女工以助其乏無稍怨尤與他婦居聞敦義操行事欣慕不已纔涉戲鄙卽斂容若罔聞夫病百方祈禱既彌留乃懸索枕次易衣潔體縊死邑令王自修爲文以祭之申其事於上憲

湯氏生員周文煒妻幼嫻姆教曲盡婦道崇禎五年年

輝縣志

卷十一

列女 烈婦

三

荒盜起有數十人持刃入其家家人盡逃氏以姑年老恐罹災傷獨扶姑冒險而走賊遇之欲傷其姑氏以身翼之賊卽舍姑逼氏欲施凌辱氏大罵曰我周秀才妻也肯爲狗彘輩所犯乎不屈而死邑令張克儉表以額褒以詩獎以聯上蔡縣訓導朱子奇又祭以文

周十圖採訪

吳氏齊秀妻年十八歸秀秀故時年二十一當日斂畢

卽縊死於室遠近義之

馮氏襄城縣訓導張信妻與夫同死難子婦崔氏至孝亦死於難襄人作詩以美之

崔氏生員張含樸妻張信之子婦從姑之任遇變而死

國朝

郭氏監生馬玉藻妻徽州府知府郭晉熙女年十九適玉藻玉藻故既立嗣子決意殉節恐人誣嗣子以不孝乃歸母家曲白隱衷旋飲砒而死邑令馬弔奠贈以聯府憲表之額曰從容就義

李氏廕生王福吉妻年十七于歸二載吉故自縊以殉聞者哀之合邑紳士致祭於墓

楊氏韓世賢妻因王元圖姦未成羞忿自縊乾隆三十二年

旌

魏氏郭安妻因蔣年強姦未成羞忿自縊乾隆三十三年

輝縣志

卷十二

列女 烈婦

三

旌

周氏崔珩妻因王路氏出言戲謔羞忿自縊嘉慶四年

旌

賀氏田景全妻因任中福調戲不從羞忿自縊嘉慶四年

旌

趙氏郝文士妻因郭昌圖姦未成羞忿捐軀道光十一年

旌

郭氏張天錫妻郭元吉女年二十于歸七載夫以廢學死其父慟且恨薄殮訖欲露棺於郊垌氏慟踏數次盡

出嫁時衣請爲葬費翁不聽是夜姑寢熟氏自縊死氏部員外郎孟發祥表其墓茂才王瑞星爲之立石道光十三年

旌

張氏馬香荷妻庠生張洙之妹年十八于歸兩月夫歿誓死以從家人防之嚴慟哭不食者累日舅姑強之食氏不敢違復詭言室多鼠耗請市砥以毒鼠舅姑知其意禁弗與氏故役防已者晝夜不容暇越旬日知其態甚縱使少休人睡旣熟乃從容自縊死道光十三年

旌

胡氏傅春槐妻胡容端女年十六于歸結褵四載孝事

旌縣志

卷十二

列女 烈婦

三

舅姑夫病歿氏念已無所出立後爲先強自節情暫營葬事甫半月舅姑慮其年幼家又赤貧促令改適氏涕泣具餐退而縊死道光十三年

旌

張氏常四妻因殷祥向伊夫戲謔張氏聽聞羞忿自縊道光十三年

旌

栗氏林縣臨淇人適東沙壩張某滑匪入川時女歸母家賊至臨淇蹂躪慘殺甚於在川女與母將逃入山爲賊騎所及時女在前母在後賊奮戈將刺其母母伏地不能起氏望見急返覆母身上戈及其脇數賊又連刺

之項脇肩臂創七處女哀號求代母死賊棄之去女負創扶母欲逃不能賊絡繹於道者竟莫之顧母女幸不死或詢其被創時形狀女言爾時惟知有母究未悉賊之何如也卽刃及於身亦祇覺冷透肌骨耳傳培梧採訪

李孀婦司寨村農李興妻無子嘉慶十八年滑匪之變入山避亂為賊所獲拷問村民藏匿之處氏不對賊逼以威大罵不絕遂遇害任文煥採訪

貞女

王氏陳三畏妻年十七夫故家貧乏嗣孀居一載父受他姓聘逼令改適自縊死趙八元採訪

輝縣志

卷十二

列女 烈婦 貞女

三

孫蘭姑廩生孫在浚女夏峯先生六世孫女許字秦氏子未結褵而夫亡有張姓欲聘之女知之泣告其母曰兒乃理學名家也敢不自勉乎退吞金粉死死之日異香滿室道光十三年

旌

烈女

芒姐王玉女因陳貴良調戲羞忿自縊乾隆二十五年

旌

王景女因李黑圖姦未成羞忿自縊嘉慶十年

旌

陳明女因殷三強姦未成羞忿自縊道光十三年

旌

貞妾

明

趙氏監生吳思敬妾主婦性妬不能容使別適氏號泣歸宗僑居二載餘自繡菩薩一尊日夜祈禱願神默佑夫家悔悟庶得所歸聞翁喪仍持服盡哀時或寄衣履於夫復懇親戚通其意願執箕箒操井臼斃於吳門無所憾夫家堅拒不納其父乃訟於府斷令改適氏自傷生不逢辰夜縊死於母家太守王天爵爲買棺致祭令歸葬於吳

國朝

趙氏吳維振妾年二十七家長故奉家長母撫所生子

輝縣志

卷十一

列女 烈女 貞妾

三

守節三十六年乾隆四十三年

旌

李氏河南府訓導孟淳側室氏年二十七從家長於任所家長卒所生子亦天氏扶柩歸葬苦志自安事嫡長朝夕承順數十年無闕言守節六十一年

劉氏河南府訓導孟淳側室從家長於任所家長卒氏惟一女未幾病殤扶柩歸事嫡長小心承順守節五十四年

崔氏生員周之俊妾家長亡子方幼冲奉事家長父母及主婦始終盡禮教子入庠子歿後氏撫育四孫至於成立